



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

გვარლიანი მაქსიმე დავითის ძე

გვარლიანი მაქსიმე დავითის ძე (21. XI. 1914, მესტია,-19. I. 1993, იქვე), მთამსვლელი. სსრკ სპორტის დამს. ოსტატი (1951). სსრკ ჩემპიონატების მრავალგზის პრიზიორი. მისი უშუალო ხელმძღვანელობითა და მონაწილეობით კავკასიონსა და პამირის მთიანეთში მოეწყო შემდეგი მნიშვნელოვანი ასვლები: 1937, სამხრ. უშბაზე გულის მყინვარიდან სამხრ.-აღმ. კედლით (გ. ხერგიანის ჯგუფი), ეს ასვლა საბჭ. მთამსვლელობაში მწვერვალების კლდოვანი კედლებით დაპყრობის საწყისი გახდა; 1950, შხელდა-უშბის მწვერვალების ურთულესი ტრავერსი (ხელმძღვ. ი. მარი); 1952; შხარა-რუსთაველის მწვ. - ჯანლა - კათინთაუ-თეთნულდის ტრავერსი. გ-მა განსაკუთრებით გამოიჩინა თავი როგორც მოსიმაღლე მთამსვლელმა. 1954 სამხრ.-აღმ. პამირში მისი ხელმძღვანელობით პირველად დაიპყრეს „გიორგი ნიკოლაძის“, „თეთნულდის მსხვერპლთა ხსოვნის“, „ფრიდრიხ ენგელსის“ მწვერვალები, ხოლო 1955 ჩრდ.-დას. პამირში მეცნ. აკად. ქედზე-მწვერვალი „როსია“. II მსოფლიო ომის დროს, 1942, კავკასიის ფრონტზე სადაზვერვო ჯგუფის შემადგენლობაში ასრულებდა სარდლობის საგანგებო დავალებებს. 1934-65 იყო მესტიის ეთნ. ანსამბლის წევრი. მიღებული აქვს სახელმწ. ჯილდოები.

დ. კობალიძევილი

ბ. გვარლიანი
